




# KATILINGBAN

Ang opisyal nga pamantalaan sa Basic Ecclesial Communities (BEC) sa parokya sa Naval

Vol 1, No. 11

website: [www.geocities.com/navaldiocese](http://www.geocities.com/navaldiocese)

Hunyo 2005



## Mensahe

*Ang kalinaw maanaa kaninyo!* (Juan 20:19)

Mao kini ang panghinaut sa atong Simbahan alang kanatong tanan nga maalagaron sa Diyos ug sa

Iyang katilingban. Kay dili lalim ang magsunod sa Diyos ug sa Iyang mga kasuguan; dili lalim ang mahimong disipulo sa Diyos.

*Ang kalinaw maanaa kaninyo!*

Taliwala sa mga pagsulay ug kakulian nga atong giatubang, gitawag kita sa pagkamakanunayon. Una, sa pagkamakanunayon sa atong Selda Prayer Meeting matag semana; ikaduha, pagkamakanunayon diha sa atong pagsimba sa Diyos sa matag Domingo. Gipanghinaut nga kining atong pagkamakanunayon magbunga ug mga maayong buhat alang sa kadayganan sa Diyos ug kalambuan sa Iyang katilingban.

*Ang kalinaw maanaa kaninyo!*

Ang pagkamalinawon usa ka timailhan sa presensya sa Diyos sa atong kinabuhi. Mao nga kun bisan gikusokuso ang atong pagtuo sa mga pagsulay ug mga kakulian, dili unta kita magpadala kundili magmatuohon kanunay ug magmalig-on sa atong pag-ila sa Diyos. Kay ang Diyos nga nakakita ug nakasabot sa atong mga pagsulay mobalos ra sa tukmang panahon ug sa Iyang maalamon nga pamaagi. Dili ba ang mga langgam nga naglupadlupad sa kahanginan hinatagan sa Diyos sa ilang adlaw-adlaw nag panginahanglan? Kita pa kaha nga Iyang gimugna sumala gayud sa Iyang Dagway?

Pagmalig-on ug pagkamakamunayon, mga igsuon!

Bishop FILOMENO G. BACTOL, D.D.  
ug mga Kaparian sa Naval



## PAMALANDONG SA EBANGHELYO

**HUNYO 5:** Ika-10 nga Domingo sa Tuig

Basahon: Oseas 6:3-6 / Roma 4:18-25 / Mateo 9:9-13

### Tema:

Tigulang si Abraham. Sa tawhanong panlantaw daw dili gayod siya mamahimong amahan pa. Bisan pa niini gipili siya sa Dios nga mamahimong amahan sa daghang kanasuran.

Sa aling bahin si Mateo usa ka kobrador sa buhis. Gitamay siya sa iyang katagilungsod kay lagi isip kobrador sa buhis midapig man siya sa ilang gikalagotan nga Romanhong pangagamhanan. Apan bisan pa niani si Jesus mipili kaniya nga mangulo sa Simbahan.

Ang duruha; si Abraham ug si Mateo, managsamang dili makapasar kon gamiton lang ang tawhanong sukdanan.

Si Jesus mipatin-aw niini. Pulong pa niya: Wala siya moanhi aron pagtawag kanila nga miisip nga sila matarong. Nagtuo man god sila nga sa ilang paghimog matarong mapaniguro na nila ang kaluwasan. Wala na sila manginahanglan sa Dios. Mianhi si Jesus aron pagtawag sa mga masakiton, mga makasasala, mga edaran ug mga kobrador sa buhis nga nasayod sa ilang panginahanglan. Tataw kaayo kanila ang ilang dakong panginahanglan sa Dios. Kining maong Diosnong kaalam nahulagway diha sa ilang mga tubag. Si Abrahan nga nasayod nga dili na gayod siya mamahimong amahan, mihatag sa tanan niyang pagsalig ngadto sa Dios nga misaad kaniya. Si Mateo ug ang tanang mga sinalikway nga nakig-uban kaniya diha sa kan-anan mihatag sa tanan nilang pagsalig ngadto sa Ginoo nga mitanyag kanila niini. Sila dili na man god makalaum nga maluwas pa tungod sa ilang pagkasinalikway sa katilingban. Giyam-iran ug gitalikdan sila sa mga Pariseo.

**Pamalandongi kini:**

Ang mga pagbasa karong adlaw daw nagsukna kanato nining duruha ka mga pangutana : Kang kinsa man ikaw nakig-uban sa pagpanga-on? Giunsa man nimo pagpili ang mga tawo nga imong gialagaran ug gihatagan sa imong panahon, pagtagad ug presensya? Apas-sumpay : Kon ikaw apil niadtong napili nga moalagad sa uban, ikaw mituo ba sa imong kaugalingon kamaohan o basin baya og imo sab nga nakit-an ang imong kaugalingong mga panginahanglan.

**HUNYO 12:** Ika-11 nga Domingo sa tuig  
 Basahon: Exodo 19:2-6 / Roma 5:6-11 / Mateo 9:36-10:8

**Tema:**

Natandog si Jessus sa panon sa katawhan nga iyang nahimamat: ang mga gikapuyan, ang mga gilupigan, ang mga nasubo ug sila nga gibiyaan sa ilang mga magbalantay. Kon magbinugtong siya dili gayod niya mahimo ang tahas nga iyang tapuson. Gikinahanglan niya ang tabang. Mao na nga naglista siyag napulog-duha ka mga apostol alang sa iyang buluhaton daw wala mosibo sa mga tawo nga iyang nalista.

Adunay pipila ka mananagat, usa ka kobrador sa buhis, usa ka mag-aaway alang sa kalinaw, usa ka mabudhion ug pipila usab nga wala kaayo nato mailhi. Ang sukaranan sa ilang panaghugpong mao si Jessus.

Unang kinahanglanon mao ang pagpuyo sa tag-iya sa anihon. Gitawag ang mga tinun-an sa pagpadayon sa buluhaton sa Ginoo, dili ang ilang buluhaton. Imposible nga mahatag nato ang atong kaugalingon diha sa misyon kon kini ubanag pag-

ampo. Lagmit masangyaw nato ang atong kaugalingon ug dili si Cristo. Lagmit atong himoon nga atong kaugalingon buhat ang atong pagpangalagad inay aron pagpalambo sa ginharian kay gi-ugmad man nato ang atong kaugalingon kaayohan.

Ang mga apostol gisangonan sa pagpangita sa nawalang karnero sa balay sa Isreal. Unya ra ang misyon alang sa tibuok kalibutan. Ang pagpangita sa mga nawala mao ang unang gimando. Ang kamanggiloy-on mao diay anaa sa matag buhat pastoral. Mao kini ang nagtukmod sa pagpangita sa mga nawalang panon bisan pa kadtong atoa sa mga hilit nga mga dapit. Didto si Jesus inubanan sa iyang mga tinun-an, nanlimbasog sa pag-ay, sa pagpalingkawas ug sa pagpasaylo. Ang atong pagpakigsandurot sa labing mga hinikawan nagpakita lang sa ilang sinugdanan ug sa ilang katapusa nga mao ang usang ginharian nga giandam sa malumong Dios nga gawasnong motanyag sa tanan.


**Pamalandongi kini:**

Si Cristo ba ang imong gisangyaw? Basin baya og ang imong kaugalingon maoy imong gisangyaw?

**HUNYO 19:** Ika-12 nga Domingo sa tuig  
 Basahon: Jeremias 20:10-13/Roma 5:12-15/Mateo 10:26-33

**Tema:**

Ngadto sa iyang mga tinun-an wala mosaad si Cristo og usa ka madanihon nga matang sa kinabuhi. Hinuon gipasaligan sila nga maangkon nila ang pagpanlutos. Kon ang ebanghelyo matuod nga kusog nakigbatok sa tanang matang sa dautan, ang simbahan dili gayod makalikay sa masigpit nga



**KATILINGBAN**  
Ang pagpapalipit nga nakatagan sa Basikong Espirituwal nga Komunita (BEC) sa parokya sa Masak

*Circulation Managers:*  
 Jorge Manco  
 Danilo Jayubo  
 Jonnel Quilaneta  
 Alfredo Olaer

**TEAM MINISTRY**

*Team Moderator:* Bishop Filomeno G. Bactol, D.D.  
*Team Members:* Fr. Marvyn A. Maceda  
 Fr. Benjamin C. Pantas  
 Fr. Jesus G. Ty  
 Fr. Kenneth Hendricks  
 Fr. Dario Bebillo  
 Fr. Bing Colasito

*Editors:*  
 Alfredo Paghubasan

*Writers/Researchers:*  
 Salvador Castro      Reymund Icaín  
 Ramises Bongabong      Linda Roldan  
 Eudoxia Canonoy      Necitas Casado  
 Catalina Machete      Gualberto Tonelete

*Encoders:*  
 Vinna Sabroso      Sonia Pitao  
 Josephine Romero

*Business Managers:*  
 Rizalito V. Curso  
 Conchita Calvez

*Computer Specialist*  
 Oscar O. Borrinaga

gangaan sa misteryo sa pagpasakit, pagkamatay ug sa pagkabanhaw. Dili sila makalikay sa Kruz nga maoy modala kanila ngadto sa kahimayan. Ang politikanhong gahum sa salapi lamat lamang.

Bisan taliwala sa panlutos, ang mga tinun-an adunay kasiguroan diha kang Cristo, “ Ayaw kahadlok !” Ang pagpangalagad buhat man sa Dios ug dala niini ang kasiguroan sa kalampusan. Sila ra ang bugtong kahadlokan. Ang mamumuno makapatay gayod sa lawas, apan ang matuod nga kinabuhi iyaha sa Dios nga samag amahan nagbantay sa labing gamay sa iyang mga linalang.

Ang pagkamartir giisip kaniadto ingog usa ka liturhikanhong buhat. Ang martir motungtung sa daub nga maoy altar diin siya gihalad. Ang pagsukitsukit ug ang pagtinga maoy mga okasyon anus-a masangyaw niya ang iyang pagtuo kang Cristo. Maayong pagkatuman sa martir ang pagkaylap sa ebanghelyo. Ang pagka martir niining panahona nahitabo sa mga kampo. Ug ang pamaagi sa pagsakit nagdagmal dili lang sa lawas kondili lakip na sa kalag. Ang mga tingog niining mga martir dinasig sa mas dakong pag-antus padayong gibayaw ngadto sa langit. Sa katapusang adlaw si Cristo mismo ang mohalad sa ilang pagsaksi ngadto sa iyang Amahan.

### **Pamalandongi kini:**

Ikaw nga buot mahimong tinun-an ni Cristo , andam ka bang moantus sa mga pagpanlutos? Apan ayaw kahadlok kay si Cristo mao man ang imong bugtong kasiguroan.

**HUNYO 26:** Ika-13 nga Domingo sa tuig  
Basahon: 2 Hari 4:8-11, 14-16 / Roma 6:3-4, 8-11/  
Mateo 10:37-42

### **Tema:**

Ang pagkahiusa kang Cristo mag-agi gayod og pagsulay. Kining maong kahiusahan nagkahulugan og radikal nga pagbiya tungod kaniya. Apan nagkahulugan usab kini sa pagkakaplag sa tanan diha kaniya.

Ang pagkadugtong sa tinun-an ngadto kang Cristo usa diay ka gugma nagsalikway sa tanan gawas lamang kaniya. Kanang gugma diin si Cristo ra mao ang bugtong gihugugma. Ug niini ang Dios

ra maoy may katungod. Kining panagdugtong naglugti sa bisan unsang mga talikala nga maoy mobabag sa atong pagbiya sa tanang butang aron lang pagsunod kang Cristo subay sa dalan sa iyang Krus. Ug gisugdan ta kini diha sa labing mahal nato nga relasyon diha atong banay. Ang mahigugmaong pagbati sa usa ka amahan, ang kalumo sa usa ka inahan, ang maaghop nga panaghigala tali sa mga magsuon, kining tanan sayod ta nga makatarongan gayod apan dili mahimong maoy imong palabihon kay kang Cristo. Gani palabihon mo man siya labaw pa sa imong kaugalingon. Dili tungod kay mibuot ang Ginoo nga kita magpakawalay balatian, sama katiga sa bato. Kon dili ang pagkatinun-an nagkahulugan sa binugtong nga relasyon sa Ginoo. Pulong pa sa basahon sa Panultihon “Anak ko, ihatag kanako ang imong kasingkasing“ ( Panultihon 23:26)

Labot pa kon hinurot ang atong paghatag sa atong kaugalingon ngadto sa Ginoo hatagan kita niyang gugma nga maoy magbag-o sa tanan natong mga relasyon. Bisan sa ilang kaubos ug dili takos, ang mga tinun- an ni Cristo nagmatuod sa iyang presensya. Apan makahimo lamang sila pagtuman sa iyang tahas kon magkinabuhi sila diha sa ilang pagpangalagad kaniya nga ilang isangyaw ug nga maoy nagpadala kanila.

### **Pamalandongi kini:**

Sa imong pagsunod kang Cristo, hinurot ba ang pagtugyan mo sa imong kaugalingon ngadto kaniya? Radikal ka bang mibiya sa tanan tungod kaniya? Ang imong kinabuhi isip tinun-an nagmatuod ba sa presensya ni Cristo?

### **COMPLIMENTS FROM:**

**LJC Rice Mill**  
Sitio Lupa, Calumpang  
**AND Groceries**  
Ground Floor, Naval Mall  
*Owned & Managed by:*  
**Bong Bongabong**

### **NAVAL COUNTRY INN**

*"Your home away from home"*

**&  
AC TOWN CENTER**

## Biography of Pope Benedict XVI

**Cardinal Joseph Ratzinger, 78, has been chosen to succeed John Paul II as Pope. He will be known as Benedict XVI**

Cardinal Ratzinger was born into a traditional Bavarian farming family in Marktl am Inn, Germany on April 16, 1927. His father was a Police Officer and he spent his adolescent years in Traunstein.



His studies at the seminary were interrupted during the war when he was drafted into the army.

He returned to the study of philosophy and theology at the University of Munich from 1946 until 1951 the year in which he was ordained as a priest.

Two years later he obtained a doctorate in theology with and qualified as a University teacher four years later.

In 1962 he became a consultor at Vatican Council II of the Archbishop of Cologne, Cardinal Joseph Frings.

On, May 28, 1977 he was ordained Archbishop of Munich-Freising and ordained Cardinal on June 27, 1977.

In 1981 he was nominated by Pope John Paul II Prefect of the Congregation for the Doctrine of the Faith; President of the Biblical Commission and of the Pontifical International Theological Commission.

In November 2002 he became Dean of the Sacred College of Cardinals.

Pope Benedict XVI speaks eight languages and is also an accomplished pianist.

## BEC BULLETIN

### BEC PAROCHIAL FELLOWSHIP

**June 18, 2005 (Saturday)**  
BEC SELDA ALAGAD / PRESIDENTS  
*Lugar:* Brgy. Anislagan

**June 19, 2005 (Sunday)**  
BEC SELDA ALAGAD / PRESIDENTS  
*Lugar:* Sitio Lomboy Village Chapel

### BEC CLUSTER FELLOWSHIP

**JUNE 4, 2005 (Saturday)**  
BEC ILAYA/ SMO. ROSARIO  
*Lugar:* Cathedral Church  
*Arrival:* 6:30 pm.

### *Congratulations!*

**BEC 2nd Anniversary**

BEC LIBTONG GAMAY  
JUNE 7, 2005

BEC LOWER ANAS  
JUNE 8, 2005

BEC SITIO LUPA  
JUNE 11, 2005

BEC ATIPOLO CENTRO ( POTAT)  
JUNE 23, 2005

*Paalam John Paul II!*

**SALAMAT SA IMONG KABILIN:  
KULTURA SA KINABUHI**